

Accord en mathiere d injures
d'entre david vaquier & marye
cammasse

Comme ainsi soict que proces criminel
eust esté intenté en la cour de monsieur le
juge ordin(air)e de villemur entre marye cammasse
femme de jean bordaryes de villemur plaignante
et demanderesse en reparation de l **injure
de putain** contre elle profferée par david vaquier
passamantier dud(it) villemur d une part et
led(it) vaquier deffandeur et autrem(en)t demandeur
en repara(ti)on des **injures d yvroigne & vagabont**

& autres qu'il disoit avoir esté profferées
contre luy par lad(ite) cammasse contre
icelle cammasse d autre et que en icell(uy)
proces y eust informa(ti)ons respectives
de part et d'autre & que les parties
feussent en voie a cause dud(it) proces de
se [con]sumer en frais et despans pour
a iceux obvier traictans aucuns le(urs)
bons amis seroient venus en accord
dud(it) proces comme s ensuict pour
ce est il que ce()jour()huy **vingt huictie(me)**
jour du mois de **juilhet mil six cens neuf**
environ midy dans villemur etc regnant henry etc
pardevant moy not(air)e royal soubz(sig)ne et presens
les tesmoingz bas nommes ont esté
en personnes lad(ite) cammasse en p(rese)nce
& assistance dud(it) jean bourdaries son mary d()une
part et led(it) vaquier d'autre lesquelz
de leur bon gré & volonté soubz le bon plaisir
de monseigneur le visconte et de la cour et()sauf
et()sans prejudice dud(it) seig(neu)r visconte sy point en
y a ont convenu et arresté que led(it) proces
cessera et()prendra fin et()par aucune des parties
n'en sera doresnavant faicte aucune
poursuite mais vivront en bonne paix
union et concorde et pour reparation de
l injure d'yvroigne & vagabont presuposée
par led(it) vaquier luy avoir esté dicte par
lad(ite) cammasse icelle cammasse luy a
declaré et declare qu'ele le tient po(ur) homme
de bien de bonne vie & conversion honneste
et pour repara(ti)on de l injure de
putain ^& yvroigne ^ que a suite de la precedante led(it)
vaquier a accordé avoir profferée contre
lad(ite) cammasse il a declaré et declare
qu'il la tient et repute pour femme
saige de bonne vie & conversion honneste

lxi

et quant aux frais de()justice ont convenus
qua ch(ac)une partie paiera son advocat
et tout les autres droictz de greffier & du

s(ieu)r juge seront paiés en seul par led(it)
vaquier et pour l'observa(ti)on du [con]tenu
au p(rese)nt inst(rument) ch(ac)un desd(ites) parties
ont obliges leurs personnes & biens
etc soumis etc renon(ciations) etc juré etc p(rese)ns
jaques boulous pierre lajunie mar(chan)tz
et jean silvestre baille hab(itan)tz dud(it) vill(emu)r
soubz(sig)nes avec led(it) vaquier et moy not(air)e
les autres ont dict ne scavoir

David Vaquie Boulous, p(rese)nt

Lajunie, p(rese)nt

Silvestre, p(rese)nt

Custos, not(aire)